

EW NAMOPUNG

A ekkesiwini Tetten 14 me non ewe Annukun Chuuk No. 3-42, non an a piin ekkesiwin me ren Annukun Chuuk No. 5-41 me Annukun Chuuk No. 5-87, ren an epwe ekkesiwini ewe atun uttut won ewe anapanapen Chunapen Annuk an ewe Muun Chuuk, me pwan ren ekkoch popun.

Epwe pung me ren ewe Legislature-un ewe Muun Chuuk.

Tetten 1. Ekkesiwin. Tetten 14 me non Annukun Chuuk No. 3-42, non a piin ekkesiwin me ren Annukun Chuuk No. 5-41 me Annukun Chuuk No. 5-87, lei a pwan ekkesiwin ngeni ei ititin:

"Tetten 14. Referendum:

1) Ewe Kepina, non an pungun napanapen esinesin, epwe finata ew ran ren ewe referendum epwe fis won kapungunoon ewe Constitution mei ketiw me ren ewe Convention, ren an epwe fis non ewe ranin uttutunapen 1986, an ewe Muun Chuuk.

2) Chinoon chok ika mei affat me non ei annuk, ewe Annukun Uttutunapen non Chuuk forun non 1978, epwe ina annuk ren ewe referendum.

3) Ewe kapas eis won kapungunoon ewe Constitution mei ketiw me ren ewe Truk Constitutional Convention epwe nomw won echo ballot epwe imwuno seni ewe ballot epwe nounou ren ewe wiis Kepina, Kisin-Kepina me monun ewe Truk State Legislature, epwe lei usun napanapan:

"AN CHUUK REFERENDUM WON AN CHUNAPEN ANNUK


Ka tipeew ngeni me apungano an Chuuk we Chunapen Annuk non an a ketiw me ren an Chuuk we Constitutional Convention?


WU

APW


4) Pungun ewe referendum epwe anneteta me ren ewe State Election Commissioner, ewe epwe wisen tinano ngeni ewe Legislature i ewe chon wisen apungun ewe referendum pwan pungun uttut won."

Tetten 2. Poputan Pochokunan. Ei Namopung epwe poputa pochokunan fansoun an a kapunguno me ren ewe Kepina, ika a pusin winita annuk won winitakan.

Sain seni: 
Simeon Innocenti, Speaker
Truk State Legislature

Annetata seni: 
Datsi Albert, Chief Clerk
Truk State Legislature

Pwinin maram: Sept. 25, 1985

A kapunguno seni: 
Erhart Aten, Governor
Truk State

Pwinin maram: Oct. 4, 1985